

Kata Pengalo – Ngalo Ras Momo

Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanan perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

Kata Penaruh

=====

Minggu enda igelari Minggu Misericordias Domini, eme Minggu si mabai kita ngejapken lias ate Tuhan Dibata. Ija kita ikelini dengen ipulahi i bas ukumen nari. Kita enggo itebusi, jenari iperembakken Dibata kempak DiriNa arah kematen Jesus Kristus i kayu persilang. Dosa ras kelepakenta lanai iingetNa jenari iatanken Dibata kita bengket ku bas kemulianNa si rasa lalap. Dage, alu meriah ukur, sipuji Dibata erkiteken Jesus enggo mperdameken kita ras Dibata.

Erkata Lonceng

(Perp. Tedis)

Rende

KEE No. 14 : 1, 2, 3 *(Serayan Kebaktin Bengket Ku Mimbar)*

Kebaktin Minggu, 19 April 2026
Minggu Misericordias Domini : Lias Ate Jahwe

| | |
|----------|--|
| 3 | Votum – Salam <i>(Perp. Tedis)</i> |
| L | I bas gelar Dibata Bapa si nepa langit ras doni, i bas gelar Jesus Kristus si enggo mereken geluhna mulahi manusia i bas dosa nari, ras i bas kerembaken Kesah Si Badia si nampati kita si mere gegeh gelah kita paguh i bas ngalaken perbeben. Lias ate Tuhan Jesus ndilo kita gelah dat bagin i bas kemulianNa si rasa lalap, Amin. |
| P | Amin Amin Amin <i>(iendeken)</i> |
| 4 | Berita Kerna Perbahanen Ras Sura-Sura Dibata (Invocatio) |
| L | “Nina Jesus, “Ketuahen kalak si nggejap maka ia labo kai pe ertina i lebe-lebe Dibata; sabap man bana me Kinirajan Surga” (Matius 5 : 3). Erpalasken Kata Dibata enda, sipuji IA arah ende - endenta : KEE No. 56 : 1, 2, 3 |
| 5 | Lias Ate Dibata si Mbelin Kubas Kegeluhen <i>(Perp. Kundul)</i> |
| L | Dibatanta e melias perkuah. IetehNa maka labo kita ngsup mulahi dirinta i bas kuasa kematen nari. Emaka itebusiNa kita arah kematen Jesus, gelah olanai kita ikuasai kematen, dengen bene i bas dosanta. |
| P | Terpujilah Kam Tuhan. Ermengkah dengen malem kal ate kami. Erkiteken lias ateNdu, pulah me kami i bas kematen si la tertaluken kami. |
| L | Sipuji Dibata erkiteken lias ateNa man banta alu ngendeken : KEE No. 215 : 1, 2, 3 |
| 6 | Pengakun Dosa |
| L | Adi itatap Dibata ku bas pusuhtha sekalak-sekalak. Pusuh ras ukur si kuga nge idapeti Dibata i bas dirinta ? IdapetiNa ndia pusuh si dem pengataken bujur i bas keselamatanen si enggo ijujurkenNa ? |

| | |
|-----------|---|
| | <p>IdapetiNa ndia perukuren si ngergaken keleng ateNa ? Pusuh ras ukur si kuga nge idapeti Dibata i bas dirinta ?</p> <p style="text-align: center;"><i>(Paksa Teneng)</i></p> |
| L | Mari siakuken dosanta arah ende-endenta : KEE No. 417 : 1, 2 |
| 7 | Berita Pengalemi Dosa <i>(Perp. Tedis)</i> |
| L | <p>Dibatanta setia kap. Keleng ateNa la ersibar. La itak-takiNa dosa manusia si meluat mekelesa. Emaka selaku persuruhan Dibata, aku nehken kataNa man banta si nggejap ras ngakuken dosanta, nina Dibata :</p> <p><i>“Amin bage gia, Aku kap Dibata si nasapken dosa-dosandu; janah si e Kulakoken erkiteken bage kin biakKu. Lanai Kupeinget-inget kerina dosa-dosandu” Amin. (Yesaya 43 : 25).</i></p> |
| L | Erkiteken dosanta enggo isasapken Dibata, sipuji IA arah ende-endenta : KEE No. 92: 1, 2, 3 |
| 8 | Kata Dibata <i>(Perp. Kundul)</i> |
| a | <p>Marilah sibegiken Kata Dibata bagin si pemena, si ibuat ibas Kitab Lukas 6 : 20 - 21. Mari siogeken secara pegancih. Sibenaken pengogenta</p> <p style="text-align: center;"><u>Malem ate dengen ceda ate</u></p> |
| 6:20 L | Kenca bage, ipernehen Jesus ajar-ajarNa, jenari nina, “Ketuahen me kam, o kalak musil, sabap man bandu me Kinirajan Dibata. |
| 6:21 P | Ketuahen kam si melihe genduari, sabap ibesuri me kam. Ketuahen kam si tangis genduari, sabap tawa me kam pagi. |
| | <p>Ketuahen kalak si megiken kata Dibata, dengen si makekenca i bas geluhna si teptep wari, Haleluya.</p> <p style="text-align: center;">Ialoi perpulungen alu ngendeken :</p> <p style="text-align: center;"><i>Haleluya Haleluya Haleluya</i></p> |

| | |
|-----------|--|
| b | Ertoto guna Khotbah |
| c | Khotbah : Masmur 51 : 3 - 8. Tema : “Pusuh Si Dem Kepentaren ” |
| d | Ertoto kenca khotbah |
| 9 | Pengakun Kiniteken <i>(Perp. Tedis)</i> |
| | <p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p> |
| 10 | Persembahen <i>(Perp. Kundul)</i> |
| L | <p>Genduari ibereken kesempatan man banta guna nehken persembahen pengataken bujurta man Dibata. Nina Dibata i bas kita ngendesken persembahenta :</p> <p><i>“O senina-seninangku, nginget perkuah ate Dibata si mbelin si isehkenNa man banta, kupindo man bandu: Endeskenlah kulandu man Dibata saja selaku persembahen si nggeluh rikutken si ngena ateNa. Sabap bage me arusna kam ersembah man Dibata sue ras biakndu selaku mahluk si rukur” (Roma 12 : 1).</i></p> <p>Mari siendesken persembahenta, janahta rende :</p> <p>KEE No. 302 : 1, 2, 3</p> <p>Pertoton Persembahen ras Syafaat</p> |

| | |
|-----------|--|
| 11 | Perpadanen Man Dibata <i>(Perp. Tedis)</i> |
| L | I bas kita enggo ngaloken lias ate Dibata, kai nge ndia si jadi perpadanenta ras IA ? |
| P | O Tuhan, enggo kualoken lias ateNdu jadi gegehku. Erpadan me aku, nggeluh setia man baNdu. |
| L | Dibata enggo mulahi manusia arah kuasa dosa, jenari idiloNa manusia naksiken keleng ateNa. |
| P | O Tuhan, Kuendesken diringku man bandu, gelah idah doni enda keleng ateNdu arah perbahanenku. |
| L | Sipepaguhi perpadanenta man Dibata, rende kita arah ende- endenta : KEE No. 283 : 1, 2, 3 |
| 12 | Pertoton Tuhan |
| 13 | Pengutusen ras Pasu-pasuDibata |
| L | Berkatlah naksiken keleng ate Dibata, gelah idah doni enda maka Dibata erkuasa njagai dirindu. Si jadi gegehndu, alokenlah pasu-pasu idur Dibata nari : <i>“Dibata Bapa ras Tuhanta Jesus Kristus mereken kemalemen ate, kekelengen ras kiniteken man bandu gelah. Lias ate Dibata rembak ras kerina kalak si erkeleng ate man Tuhanta Jesus Kristus alu keleng ate si la erkeri-kerin” Amin. (Epesus 6 : 23 – 24).</i> |
| | Ialoi perpulungen alu ngendeken : A..min A....min Amin |
| | <i>SELAMAT HARI MINGGU/SYALOOM.....</i> |